



ATASSUT

Steen Lynge

UPA15/48

16.04.2015.

**Kalaallit Nunaanni kisitsisit atukkagut danskinit pissarsiarisagut taarserlugit asiamiat
kisitseriaasiannik taarserneqarsinnaanerat pillugu apeqquteqaat allaavigalugu
oqallinnissamik siunnersuut.**

(Inatsisartunut ilaasortaq Michael Rosing, Demokraatit)

Demokraatit kissaatigivaat kisitseriaasitta qallunaat atugaat aasiamiat kisitseriaasiannit
taarserneqassasoq.

Taamatut kissaateqarnerminni Demokraatit peqqutigivaat, kisitseriaatsip taassuma maanna
atukkatsinnit atoruminarnerusuunera aammalu ilisimatusarnikkut takutinneqarmat tamatut
kisitseriaaseqarneq annerttuumik peqqutaasoq Aasiamiat atuartut matematikkimi allanit ukiumik
ataatsimik siuarsimanerunerannut. Taamak iliorluni siunissami ilinniartitsineq
siuarsarneqarsinnaasutut nalilerneqarluni.

Naak Atassummit oqariartuut soqutiginartikkaluarlugu siunnersuut tapersorsornartinngilarput.
Tamannalu arlaqartunik peqquteqarpoq.

Siullermik kisitseriaaseq kisimi peqqutaanngilaq Aasiami atuartut matematikkimi allanit ukiumik
ataatsimik siuarsimanerunerannut. Soorlu Demokraatit namminneq taagaat, taava Aasiamiat
matematikkimi siuarsimanerunerat allanik aamma peqquteqarpoq. Taamaattumik taaneqartoq kisiat
tunngavigalugu maanna kisitseriaasitsinnik allanguiniarneq naammanngilaq.

Aappaattut Naalakkersuisut akissutaat isumaqatigaarput, tassalu maanna kisitseriaasitsinnit allamut
nuunniarneq isumaqassammat siunissami inuusuttatta aqquaagassaasa
imaannanngitsuulernissaannik, tamanna uagut atuarfitsinni ilinniartitsissutaasimannngimmat
taamallu ililluni nunatta avataani ilinniagaqarnissamut ajornartorsiortitsilersussaassalluni.



ATASSUT INATSISARTUNI

Pingajauattut allannguineq ilinniartitaanerup iluani aningasaasartuutinik nutaanik pilersitsisussaassaaq. Tamatumani peqqutaavoq ullutsinni ilinniartitsissutissatut pisartakkagut amerlanerpaat Qallunaat Tuluillu oqaasii tunngavigalugit pisaratsigut.

Taamatut naatsumik oqaaseqarluta Atassummiit nalunaarutigissavarput siunnersuut isumaqatiginnnginnatsigu.